

中病人不知飲酒漸差醫底尚有蛇骨方知其由也用道謹
按李肇國史補云李舟之弟患風或說蛇酒治風乃求黑蛇
生置甕中醞以麴葉數日蛇聲不絕及熟香氣酷烈引滿而
飲之斯須悉化爲水唯毛髮存焉僉載之說恐不可輕用

治卒得蟲鼠諸瘰方第四十一

後有瘰癧

姚云凡有腫皆有相主患者宜檢本方多發頭兩邊累累有核
姚方鼠瘰腫核痛未成膿方

以柏葉傅著腫上熬鹽著葉上熨令熱氣下卽消

葛氏卒得鼠瘰有瘰癧未發瘡而速熱者速療方

搗烏雞足若車前草傅之

道藏輯要

肘後備急方

无

虛集十一

若已有核膿血出者

以熱牛屎塗之日三

又方取白鮮皮煮服一升當吐鼠子

又方取猫狸一物料理作羹如食法空心進之鼠子死出又當

生吞其功彌効

又方取鼠中者一枚亂髮如雞子大以三歲臘月猪脂煎之令
鼠骨肉及髮消盡半塗之半酒服鼠從瘡中出姚云祕不傳
之法

劉涓子鼠瘰方

以龜殼甘草炙桂心雄黃乾薑狸骨炙六物分等搗下蜜和

內瘡中無不差先灸 瘡後與藥良

又方柞木皮五升以酒一斗合煎熟出皮煎汁令得三升服之
盡有宿肉出愈

又瘰癧坐肉膏

棟樹白皮鼠肉當歸各二兩薤白三兩生地黃五兩臘月猪
脂三升煎膏成傅之孔上令生肉

葛氏若瘡多而孔小是蟻瘰方

燒鱸鯉甲猪膏和傅

又方燒蜘蛛二七枚傅良

又瘰方

道藏輯要

肘後備急方

手

虛集十一

煎桃葉枝作煎淨洗瘡了內孔中大驗方

葛氏若著口裏

東行棟根細剉水煮取清汁含之數吐勿嚥

肉瘰方

槐白皮搗丸綿裹內下部中傅効

鼠瘰方

石南生地黃雌黃茯苓黃連各二兩為散傅瘡上日再

又方礬石三分燒斑猫一分灸去頭足搗下用醋和服半七須

與瘰蟲從小便中出刪繁方

附方

肘後方治風癭

露蜂房一枚炙令黃赤色為末每用一錢臘月豬脂勻調傅瘡上

千金方治鼠瘻

以雞子一枚米下熬半日取出黃熬令黑先拭瘡上汁令乾以藥內瘡孔中三度即差

千金翼治蟻瘡

取鮫鯉甲二七枚末豬膏和傅之

聖惠方治螻蛄瘻

用榭葉燒灰細研以泔別浸榭葉取洗瘡拭之內少許灰於

道藏輯要

肘後備急方

三

虛集十一
川又文

瘡中

又方治一切瘻

煉成松脂末填瘡孔令滿日三四度用之

治卒陰腫痛頰卵方第四十二

葛氏男子陰卒腫痛方

灸足大指第二節下橫文理正中央五壯佳姚云足大指本三壯

又方桃核中仁熬末酒服如彈丸姚云不過三

又方竈中黃土末以雞子黃和傅之蛇床子末和雞子黃傅之

亦良